



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 33. Hungari in Italia.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

§. XXXIII.

*Hungari in Italia.*Sæculum IX.
A. C. 900.

Hungari, novum Barbarorum genus, ab extrema Scythia advectum, annis abhinc decem, nempe anno octingentesimo octogesimo nono Imperium Francorum infestare cœperant. Primo Pannoniam & Avarum Regionem ingressi feris venatione captis & piscatu sustentabantur; inde brevi in Carinthiam, Moraviam & Bulgariam effusi sunt. Sagittis maxime hostes configebant, quos certissimo ictu feriebant, non urbium obsidionem struere, non cominus dimicare docti, sed telis in adversam aciem excussis uno momento spargebantur in diversa. Sive proficiscerentur, sive subsisterent, sive consultarent, semper equo insidentes. Caput radebant, crudas carnes stomacho ingerebant, potabant sanguinem, corda captivorum suorum dissecta, medicinæ loco comedebant. Ceterum nec viri, nec feminae ulla pietate movebantur, homines taciturni, manu quam lingua promptiores.

Regin. an.
889.*Luitpr. L. I.*
c. 5.

Gentem barbaram & infidelem primo Rex Arnulphus, ad reprimendum Zwentiboldum, Moraviæ Ducem, qui a se defecerat, auxilio sibi in bello futuram evocavit; unde non vana erat Moravorum querela.

G 2

Haud

Sæculum IX.

A. C. 900.

Chr. Nonan.

ap. Mab.

Sæc. 5. p. 114

Mar. Chr.

889.

Luitpr. lib.

ll. c. 4. 5.

Haud diu post Hungari in Bavariam indeque in Italiam penetrarunt, quo mense Augusto anno octingentesimo nonagesimo nono pervenerunt. Vigesima vero quarta Septembris Christiani occurrentes, ad Brentam amnem civitatis Patavinæ mœnia alluentem commissa pugna, ingentem cladem acceperunt, multa Christianorum millia tum cæsa, tum fluctibus hausta. Complures etiam Comites & Episcopi occubuerunt. Luitardum Episcopum Vercellensem, olim Carolo Crasso in paucis carum, cum suo thesauro fugientem, immensa pecuniæ vi directa, capiunt & interficiunt. Cum Nonantulam in Ducatu Mutinensi pervenissent, Monachorum partem trucidarunt, Monasterium & permultos libros igni tradiderunt, & cuncta, quæ loco moveri poterant, avexerunt. Abbas, cui nomen Leopardus, arrepta fuga cum ceteris monachis aliquamdiu delituit; exinde vero rursus collecti Monasterium & Ecclesiam restaurarunt.

§. XXXIV.

Ecclesia Constantinopolitana.

Epist. 2. to. 9. *Conc. p. 494.* Joannes IX. Papa datis ad Stylianum Episcopum Neocæsariensem literis, constantiam virilem, qua semper Schismaticis Photianis se opposuisset, laudavit, hortatus, ut eosdem ad Ecclesiam reducere

sata-